

聖宋高僧詩選

宋僧詩選補

唐宗高僧起宗之編

目錄

錄

前有序錄云子願世宗九僧語見歐陽公六一詩活言其集已不傳世多不知存謂九僧者而高僧清波雜語云九僧為制  
弄畫金丹保道南越文兆天台行學沃洲尚長者惟鳳淮南惠崇江東宇昭城有杯支宗之行選前某九人適各異  
宗九僧語清波語又云九僧語極不多景德五年真史錄張元曾序其集引惠崇之述曲江少華入未央澤之句皆不載當是後  
本張序因以與錄不云之耳大抵九僧語規模大德十子稍寬邊幅若河分岡勢勢亦入碗痕青自是佳句而輕薄子用司空曙  
長卿之相過天後集九三三六以貧盜塵卷文營道潛清順皆在否文壁畫撰王壺清話道潛即齊齊清順為東坡所賞  
集十九人以祕演塵卷惠洪守詮皆在否祕演歐陽永叔友守詮亦東坡所喜而惠洪名尤著許乃周清話云范乾題李愬畫像  
當五粒安並駝點安消山石印錄卷齊名世皆不詳及也宋僧清三卷乃宗之孫乃高所輯意在所全而宋釋子  
究多未備云

宋九僧詩見歐陽公六一詩話言其集已不傳世多不知所謂九僧者而周輝清波雜誌云九僧為劍南希畫金華保暹南越文兆天台行肇沃洲簡長青城惟鳳淮南忠崇江東宇昭峨眉懷古今宗之所選前集九人連合疑即宋九僧詩也清波誌又云九僧詩極不多景德五年真史館張亢曾序其集引惠崇人遊曲江少華入未央深之句皆不載當是節本張序因以選錄而去之耳大抵九僧詩規撫大曆十子稍窘邊幅若河分岡勢斷春入晚痕青自是佳句而輕薄子有司空曙劉長卿

之嘲過矣後集凡三十三人以替寧歷卷文瑩道潛清  
順皆在焉文瑩嘗撰玉壺清話道潛即參寥清順為東  
坡所賞續集十九人以祕演歷卷忠洪守詮皆在焉祕  
演歐陽永叔友守詮亦東坡所喜而忠洪名尤著許彥  
周訂話云覺範題李愬畫像云云當與黔安並驅黔安  
謂山谷仲殊參寥雖名世皆不能及也未宋僧詩補三  
卷乃宗之之孫彥高所輯意在全兩宋擇子之詩究多  
未備云新城王士禛書

聖宋高僧詩選目錄

卷上

布畫

十八首

保暹

廿五首

文兆

十三首

卷中

行聲

十六首

簡長

十七首

卷下

惟鳳

十三首

惠崇

十一首

字昭

十二首

懷古

八首

後集卷上

贊寧

三首

智仁

三首

鑒微

二首

尚能

六首

子熙

四首

用文

六首

文瑩

二首

秀登

三首

惠璉

七首

惠嚴

四首

顛萬

九首

後集卷中

延壽

三首

智圓

三首

道式

九首

重頌

一首

莽嵩

三首

寶麋

一首

惟政

二首

仲休

一首

顯忠

一首

清晦

一首

南越

一首

楚巒

一首

道潛

三十二首

後集卷下

善卷

十四首

枕崇

十七首

墨穎

一首

清順

二首

元照

一首

曉瑩

一首

墨瑩

五首

仲皎

一首

希雅

一首

續集

秘演

七首

擇隣

一首

清外

一首

蘊常

七首

正勤

一首

昭符

一首

法具

四首

如璧

六首

惠洪

一首

道全

一首

守璋

一首

希顏

一首

守詮

一首

正宗

四首

維興

一首

遇昌

一首

益

一首

法平

二首

慧梵

一首

聖宋高僧詩選卷上

錢塘陳起宗之編

希畫

寄題武當郡守吏隱亭

郡亭傳吏隱，閑自使君心。  
卷幕知來客，懸燈見宿禽。  
茶烟逢石斷，碁響入花深。  
會逐南帆便，乘秋寄此吟。

送信南歸鴈落山

千峯鄰積水，秋勢遠相依。  
路在深雲裏，人思絕頂歸。  
長天來月正，危木度猿稀。  
誰得同無念，寥寥此拚扉。

懷廣南轉運陳學士狀元

極望隨南斗，迢迢思欲迷。  
春生桂嶺外，人在海門西。  
殘日依山盡，長天向水低。  
遙知仙館夢，夜夜怯猿啼。

書惠崇師房

詩名在四方，獨此寄閑房。  
故國寒濤闊，春城夜夢長。  
禽聲沉遠水，花影動回廊。  
幾爲分題客，殷勤掃石床。

斲碑

片玉侵寒折，零文見斲蟲。  
遠沉岡州際，半露壑水中。  
跡著人何在，年銷事已空。  
惟聞壞陵拍，拍弔起悲風。

寄懷古

見說鵬陰僻人煙半雜筵秋深邊日短風勁曉茄長樹  
勢分孤壘河流出遠荒遙知林下客吟苦夜禪忘

留題承旨宋侍郎林亭

翰苑營嘉致到來山意深會茶多野客啼竹半沙禽雪  
溜懸危石碁燈射遠林言詩素非苦虛答侍臣心

送嗣端東歸

遠念生泉石人中事欲銷卷衣城木落尋寺海山遙帆  
影迷寒鴈經聲隱暮潮後期俱未定況我鬢先凋

寄河陽察推駱員外

郡齋鄰少室夏木冷垂陰況是多閑日應懸長卧心角  
當中島起牆背遠橋沉獨愛南樓月終期宿此吟

送惟鳳之終南山

關內寒生早南山萬木凋長空人望絕積雪獨尋遙靜  
息非同隱閑吟忽背樵幾侵峯頂月相念起中宵

寄壽春使君陳學士

三處波濤郡連年鞅謝公春齊山藥徧夜舶海書通接  
潤星河露川寒鼓角風誰當刊惠政一一古賢同

送從律之關中

西游無舊識何處寄吟身  
客路秦關暮鄉心海樹春  
河濤行不盡嶽翠望空新  
早晚回孤錫東浮結近鄰

寄答桂府黃殿院

桂水在天末登高生遠思  
來書逢歲闕去夢歷峯危  
別浦珠全返空臺拓半衰  
詩成見新月負郡齋期

送可倫赴廣南轉運凌使君元招

別語畏殘漏心懸瘴海邊  
回期無定日去路極遙天  
苦霧沉山郭寒沙漲隰田  
幾宵尋使府清話廢閑眠

早春閣下寄觀公

客心長念隱早晚解書招看月前期阻論山靜會遙微  
陽生遠道殘雪下中宵坐見青門柳依依又結條

送李堪

要地無深託飄然人出關秋聲動羣木暮色起千山岸  
艸隨秋遠江雲入望閑何宵發孤詠月冷洞遲間

送朱晨

別業滄波外秋風歸去心玉繩天闕遠金柝海城深素  
瑟沉幽意寒螿共苦吟郝漁知有約不月夜相尋

過巴峽

遠望知無極，窮秋日向殘。  
孤泉瀉空白，衆木倚雲寒。  
靜想猿啼苦，危聞客過難。  
寸心寧可寄，前去雪漫漫。

保暹

江行

渺渺沉清際，回頭望即賒。  
幽禽飛共闊，野客泛無涯。  
浦暗微分樹，灘遙半漲沙。  
今宵應有月，重得宿蘆花。

寄從弟

天外跡如萍，何人慰遠情。  
煙霄滯秋薦，水國廢春耕。  
旅

夢寒應斷吟髭白，恐生無因話消息。一鴈度江城。

金陵懷古

石城秋月滿，煙水冷蕭蕭。戰氣悲千古，歌聲散六朝。  
螢飛宮草暗，霜白井桐凋。竟日秦淮上，思賢莫可招。

秋徑

杉竹青陰合，閑行意有憑。涼生初過雨，靜極忽歸僧。  
蟲跡穿幽穴，苔痕接斷稜。翻思深隱處，峯頂下層層。

宿宇昭師房

與我難忘舊，多期宿此房。眠雲歸未得，靜夜話空長。  
艸

際沉螢影杉西露月光天明共無寐南去水茫茫

途次望太行山

盤影遮空黑愁生入望賒高來難客路深去斷人家翠  
死寒溪木香殘別洞花今宵何處宿山口日將斜

書惟鳳師壁

艸徑通深院秋來心更閑城中無舊識門外是他山  
寂生吟思持齋得病顏寒宵多約我靜話出人間

石席

有狀卷不得閑齋惜夜長坐來消暑氣睡去入秋鄉隱

隱生寒骨沉沉發冷光何時遂深迹移取置山房

重登文兆師水閣

重來久憑欄臨水景多閑高樹下殘照寒潮平遠山夜  
吟長負宿秋病幾思間早晚離城裏從茲寄拚關

寄徐任

鄉園書久斷寒夜起歸心遠路秦關外啼猿劔樹深貧  
游年暗改醉卧月空沉幾夕疎林下相思廢靜吟

送簡上人之洛陽

閑身無所滯獨去背秦城望月鄉心斷迎嵩隱思生野

送人自關下歸天柱

却歸天柱峯前去高謝浮名似了心  
林下孫燈一聲磬  
青猿啼斷白雲深

巴江秋夕

巴水寒聲去渺茫  
空雲樹落秋光  
離人此夜和愁宿  
不聽啼猿亦斷腸

書杭州西湖涉公堂

孤舟孤鶴與孤雲  
湖上深居自不羣  
高卧可能容一榻  
青山兩岸且平分

文兆

幽圃

遠與村橋接，深春積雨時。  
蘭芳人未採，花發蝶先知。  
艸密封閑徑，林疎露短籬。  
別來鋤久廢，身老恨歸遲。

江上書懷寄希書

扁舟宿江上，脉脉興何窮。  
吳楚十年客，葦葭一夜風。  
東林秋信斷，南越石房空。  
向此多忘寐，君應與我同。

弔屈原呈王內翰

抱清誰可學，委質在湘濱。  
今日不同楚，無人更似君。  
滄

波沉夜魄古廟聚寒雲  
弔罷知彌處漁歌忍獨聞

寄行肇上人

詩禪同所尚邂逅在長安  
爲客閑相似趨時嬾一般  
分題秋閣迥對坐夜堂寒  
未遂歸山計流年鬢已乾

送史館李學士任和州

事主惟公直承恩赴歷陽  
舟浮淮水遠路遠楚山長  
館謁僧侵月郊迎吏蹋霜  
下車難久滯飛詔即徵黃

寄保暹師

近聞高靜趣猶寄廣林居  
夜會聽琴阻秋期看月疎  
幾

成歸越夢久絕入梁書四釋分題處年來一榻虛

巴峽聞猿

倚棹望雲際寥寥出峽清心如無一事愁不在三聲帶  
露諸峰迥懸空片月明何人同此聽徹曉得詩成

送守昭師

相見又相別無言感倍興諸峯微下雪一路獨行僧午  
飯煙村磬宵吟石屋燈他方人請住又得繼南能

莎庭

苒苒從莎長淒涼雨乍晴窮秋閑客步落日亂蛩鳴近

接苔塔迥遙連竹徑平秋痕兼鶴跡來往自縱橫

送惟鳳師之終南

終南關內見寒翠疊空虛明代誰招隱深秋自卜居宵  
晴吟洞月日曉飯溪蔬此後嫌名出應無入闕書

宿西山精舍

西山乘興宿靜稱寂寥心一徑杉松老三更雨雪深艸  
堂僧語息雲閣磬聲沉未遂長棲此雙峯曉待尋

贈簡長師之洛

動靜非常態超然西去心水期經洛聽雪約到嵩吟齋

訪煙村遠禪依竹寺深  
抵應風雅道相府是知音

贈天柱山所禪老

幾年天柱居韜光外  
浮世禪心混沌先  
詩思雲霞際山  
雪滌茶鐺谿泉濯  
祖毳富德鄙利徒  
貴道輕權勢竹牖  
晴常開松扉夜不閉  
霜嚴庭樹萎雨暴  
龕燈翳紅葉遇  
寒燒白頭逢暖剗  
終期爲近鄰清話  
素相契

聖宋高僧詩選卷中

錢塘陳起宗之編

行摩

中秋對月

暮雨過寥廓江天正青蒼  
列樹無殘陰指水有異光  
幽蟲鳴欲徧宿鳥驚忽翔  
永夜鑑我吟清草

聽宇昭師琴

遙空雨初霽深徑禪未鳴  
忽品文王絃若聽宣尼聲  
月色半峯出秋光回簷清  
韻斷意轉冥塵心若爲情

湘江有感上王內翰

達士絃性直佞人膠辭柔  
靳尚一言巧靈均千古愁  
孤蟾魄長在寒雲恨難收  
空使湘江水至今無獨流

濁

送布畫之九華

忽起塵外心跡謝人中  
境雲去竹堂空鷺下秋池  
靜野宿清溪深月在諸峯  
頂日暮立長江遙看片帆影

卧病吟

杉窗秋氣深入夜四簷  
兩枕冷夢忽醒獨對孤燈  
語流螢隱回廊驚鴻度寒  
渚空令一寸心悠悠生萬  
縷

送惟風之衡陽

重城獨隱居世人寡相識  
回塘路寂寥深徑花狼籍  
西風思忽生南泉語還憶  
遙山去意長大江歸夢直  
日暮立荒原迢迢望空碧

泛若耶溪

霽雨牽野情孤舟送茲賞  
積水連遠空落日垂萬象  
岸迴雲獨隨山轉泉更響  
望望極寒源由言放輕槳

送從律師西游

蟄鱗伺新春望極融融歸  
驚禽別舊巢念遠遲遲飛  
吁

君腹至崇歲故志獨違心絃世寡聽意鑑古亦稀出關  
自荷篋入秦扣誰扉埃目若忽失風雨遠漸微將看吐  
虹章冷射仙掌輝

寄終南种微君

紫閣浮清漢高眠稱此心佳溪人未識歸路鶴知深  
晚迴寒翠猿孤發夜吟霜天獨西向無復夢山陰

送簡師南游

古岸侵煙出揚帆拂署星層城關海日列樹隱沙汀潮  
落家遙見梅香撼暫停舊峯歸許晚長憶隔吳青

郊居吟

靜室簾孤捲幽元墜露多  
徑寒山影轉窗晚雪聲過  
落味沙泉合鑪香竹靄和  
遙懷風雨夕舊寺隔滄波

送懷古師歸蜀

山落雲陽外去程寒接巴  
劍水連漢直棧閣挂空斜  
聽錫樵停斧窺禪鳥立槎  
舊房春到晚深徑始開花

送文兆歸廬山

劍峯雙倚漢蕩槩月中歸  
潮白鳥西出帆孤岸際飛  
香連潭影直磬度雪聲微  
幾夕詩坐相思入定栴

酬贈夢真上人

禪舍因吟往晴來坐徹宵春通三徑晚家別九江遙  
巢重禽初宿窗明葉旋飄佳期應未定謝守有詩招

青社凌使

君以詩見招

送蒲奉禮之鄞江

官舍仙山裏全家去若歸江聲鼉背出帆影斗邊飛  
宿館荷香接吟亭島色圍前秋賞明月况對謝元暉

兼簡典郡

太原史君

送文光上人西游

高木墜殘霖，關河入遠心。  
嵩游忘楚夢，華近識秦音。  
塢古懸圖認，碑荒背曉尋。  
幾思興替事，獨上灞陵吟。

簡長

夜感

無眠動歸心，寒燈坐將滅。  
長恐浮雲生，奪我西窗月。

懷盧叔微

病起啓秋匣，素琴生塵埃。  
朱絃愁零落，古意空徘徊。  
子期不我至，獨上高高臺。

贈峽山清倫師

褰衣汲靈水洗滌巾履塵煙鬻霽杉竹澄凝此心神高  
灑真雨澤披寒艸春華月寫空印清霜蕭齋身猶言  
振金策歸作耶溪鄰

步春謠

春景欲饒物客心獨優柔藉茲徘徊芳彊起寂寞游新  
愁來易積舊歡去難收步春不得侶不如步高秋

送方仲荀

行客心如何借劍爲君歌兩脣山未開花盡春無多欲  
知貧別情義淚空滂沱

晚次江陵

楚路接江陵倦行愁問程異鄉無舊識多難足離情落  
日懸秋樹寒蕪上廢城前山不可望斷續暮猿聲

書行葦師壁

禪徑秋苔合寒窗帶雨痕心真冥自非句好與誰論露  
冷蛩聲咽風微葉影翻白雲如有意終日在前軒

寄丁學士

想極南濱外江園州樹秋浮生如寄夢幾夕是離愁仙  
館開明月星車背遠流抵應西掖吏時復望滄洲

李氏山莊留別

鶴氅輕冠冕誰人不羨君  
松齋扶掖月石竇醉眠雲遠  
望窰煙合寒原驛路分  
前行鞭瘦馬餘恨暫離羣

贈郝禮丞

住近城西寺門無俗客  
登朝回簾捲雪吟冷硯生冰  
鳥影樽中過茶煙竹際凝  
遙思來夜月虛閣與誰凭

感王太守見訪

行春擁隼旌十里訪禪居  
煮茗沙泉白調琴竹閣虛  
致君公望重對客宦情疎  
向夕回軒冕林僧識佩魚

宿許山人別業

嵐霽景初分，溪橋對石門。  
犬聲知遠客，燒影見前村。  
古木秋生菌，空山夜答猿。  
幾因留我宿，靜話極詩源。

送僧南歸

漸老念鄉國，先歸獨羨君。  
吳山全接漢，江樹半藏雲。  
振錫林煙斷，添瓶澗月分。  
重樓上方夜，孤狖雪中聞。

送君壽師西游

迢滯咸秦路，東風送子游。  
幾程看日落，孤影背河流。  
古戍煙微歛，遙峯雨半收。  
行行吟此景，應不念滄洲。

送行禪師

南國山重疊歸心向石門寄禪依鳥道絕食過漁村楚  
雪粘蛭凍江沙濺衲昏白雲深隱處批上海濤翻

送僧游五臺山

五峯橫絕漢寒翠倚蒼冥積雪無煩暑高杉礙落星磧  
雲簷外見遶角坐中聽師到棲禪夜龍湫獨灌餅

暮春言懷寄浙東轉運黃工部

花落前林春又殘舍深蒼蘚擁柴關十年霜雪獨爲客  
萬里夢魂空到山溪竹舊憐同性直嶺雲終約伴身閑

遙思謝傅多公暇應編留題水石間

聖宋高僧詩選卷下

錢塘陳起宗之編

惟鳳

與行肇師宿廬山棲賢寺

冰瀑寒侵室，圓鑪靜話長。  
詩心全大雅，祖意會諸方。  
磬斷危杉月，燈殘古堦霜。  
無眠向遙夕，又約去衡陽。

送史館李學士任和州

歷陽南望極，岸遠石城危。  
去夢驚潮斷，行吟見鴈隨。  
淮帆向風闊，楚木落秋遲。  
到日應閑卧，公心帝自知。

答宇昭師

要地無閑日吟蹤肯暫過  
林泉歸計晚雨雪向春多  
徑僻稀來客庭荒半長莎  
獨眠思舊約寒夢遠煙蘿

寄登豐宰韓轉殿丞

前秋登閣晚吟次見晴雲  
中嶽聳當縣三年靜對君  
朱衣借客典清俸買書分別後  
進搖落相思隔晉汾

送陳彥處士

艸長開路微離思更依依  
家遠知琴在時清買劍歸  
孤城回短角獨樹隔殘輝  
別有鄰漁約相迎掃釣磯

寄布畫

關中吟鬢改多事與心違客路迤人少家書入闕稀秋  
聲落晚木夜魄透寒衣幾想林間社他年許共歸

留題河中柴給事望雲亭

却閑思退隱嘉政望雲秋舊客容誰訪新詩許我留  
暮宿寒日短琴幌夜燈幽青瑣無歸夢期憎話沃州

秋燈

耿耿銷深暗孤窗豈暫忘照回秋夢新靜引夜吟長  
病鼠驚空穴寒螢聚缺牆鄰居還共惜及物有餘光

寄昭文館陳學士

秋深荒外客，獨上望京臺。  
遠信未封去，新鴻又見來。  
地寒邊樹短，天靜瘴雲無。  
限心相向，南宮卧錦才。

送徐涉南歸

長安來鴈急，相顧話離心。  
日落思家遠，天寒歸路深。  
秋先生獨樹，夕吹響孤砧。  
漸入雲鄉望，應無越客吟。

弔長禪師

霜鐘侵漏急，相弔曉悲濃。  
海客傳遺碣，林僧寫病容。  
漱泉流落葉，定石集鳴蛩。  
回首雲門望，殘陽下遠峯。

寄北上人

久負中條約，深秋興若何。  
白雲歸望遠，黃葉意空多。  
靜卧侵仙掌，微吟隔楚波。  
飛書答招隱，迢遞寄煙蘿。

姑射山詩題曾山人壁

東西望朔漠，姑射獨崔嵬。  
一片兩片雲，終南大華來。  
根繞黃河曲，影落清渭隈。  
深澗飲渴虹，邃洞生秋雷。  
古徑窮難盡，晴嵐撥不開。  
海鵬飛上遲，邊風勁觸回。  
傲隱非他古，依靈有竒才。  
曾生心若何，猿聲終夜哀。

惠崇

訪揚雲師淮上別墅

地近得頻到，相攜向野亭。  
河分岡勢斷，春入燒痕青。  
望久人收釣，吟餘鶴振翎。  
不愁歸路晚，明月上前汀。

塞上贈王大尉

飛將是嫫姚，行營已近遼。  
河水堅度馬，塞雪密藏鵬。  
敗殘旗在全軍列，帳遙傳呼更號。  
令今夜取天驕。

贈文兆

偶依京寺住，誰復得相尋。  
獨鶴窺朝講，鄰僧聽夜琴。  
注瓶沙井遠，鳴磬雪房深。  
久與松蘿別，空懸王屋心。

送安學士守睦州

白浪滿遙程公衙  
聲海帆通夜市山  
雨徧春耕古  
意隨琴遠離愁對酒輕  
三吳窺列宿知傍隼旗明

贈吳黔山人

三年不下岳衣履古苔侵石澗探幽步  
風泉得句心黃  
猿知日暝青樹覺春深又向南峯住  
時時許我尋

晚夏夜簡程至

中夕坐清軍繁星時復流扇聲微變暑  
井氣忽生秋爲  
客方經楚思鄉欲上樓雲山殊未返  
相顧兩悠悠

書林逸人壁

詩語動驚衆誰知慕隱淪水煙常似暝林雪乍如春薄  
酒懶逸客好書愁借人有時行樂志忘却戴紗巾

古寨曲

邊風久不息戍鼓何鑿鑿五月無青州滂沱泥斷冰  
兒味形勝漢騎恣憑陵出號朔風起受降沙壘崩樓煩  
已納款天意威稜歸佩封侯印喧然世所稱

剡中秋懷畫師

秋生剡江濱清氣日泱泱雲歸樹欲無潮落山疑長偶

坐還獨謠故人在  
遐想夕景孤嶼明  
暗蟲四鄰響神會  
如目存安知途路廣

擬古

幽禽迎曙響佳木含春榮  
獨有綺窗婦耿耿萬里情  
塵色皓駕幌日華明  
風箏高蓋久不返中宵自懷貞

中夜起

初月不到曉夜色何冥冥  
獨立秋江上風波卷寒星

宇昭

夕陽

向夕江天迥微微接水平帶帆歸極浦隨客上荒城雲  
外僧看落山西鳥過明何人對幽景冉冉敗沙井

塞上贈王太尉

嫖姚立大勳萬里絕妖氛馬放降來地鵬閑戰後雲月  
侵孤壘沒燒徹遠燕分不慣爲邊客宵笳懶欲聞

宿丁學士宅朱巖希晝不至

幽期不可見牢落望君情坐久詩源寂談餘井浪平月  
依寒木盡蛩背冷燈鳴空聽溝西寺宵鐘出禁清

廢井

古院無僧住荒涼樹石閒  
停汙寒甃缺廢汲遠泉  
怪雨漲蛙疑聚宵晴月自  
遶因尋成獨感吟逸見衰  
顏

送曹商之宿州兼簡駱偃

病起春城暮行心暗結愁  
全吳無舊業半世祇羈游  
島霧沉晴樹汀煙入夜舟  
故人應老大佐幕久滄流

寄保暹師

吟會夾秋期荒山寄病時  
客髭生白早叢木落青遲  
渴挾窺莎升陰蟲占菊籬  
歸心何以見霜月下天涯

上集賢錢侍郎

解職因求養清名冠集賢優游書府畏談笑板與前鶴  
斃朝時脫山圖臥處懸江僧閑獨訪時得話林泉

喜惟鳳師關中回

孤錫依京寺詩愁上鬢新跡離三輔晚夢落九江頻  
入松根井磬通花外鄰重來知未倦閑趣自相親

松柄

澗底分貞幹寧將塵尾同坐間長滴翠話次忽生風影  
落孤燈外聲寒靜室中有誰知此意林下石叢叢

幽居即事

掃苔人跡外，漸老喜深藏。  
路僻開行遠，春晴晝睡長。  
餘花留慕蝶，幽艸戀殘陽。  
盡日空林下，孤禪念石霜。

送從律師

病起辭吟社，出京無舊房。  
關中行半月，詩外祇空囊。  
白道沿嵩直，青蕪夾渭長。  
勝游多杜曲，風景似吾鄉。

贈魏野

別業惟栽竹，多閑亦好奇。  
試泉尋寺遠，買鶴到家遲。  
藥就全離母，詩高祇教兒。  
未能終住此，共有海山期。

懷古

送田錫下第歸寧

念別孤親久無成萬里歸筭程芳艸盡去國故人掃棧  
閣浮空險刀州入望微前期有公薦莫愧老萊衣

原居早秋

秋生深徑裏老病眼慵開戶外行人絕林間朔吹回亂  
蛩鳴古塹殘日照荒臺惟有他山約相親入望來

聞蛩

幽蟲侵暮急斷續苦相侵夜魄沉荒壘寒聲出壤鄰霜  
清空思切秋永幾愁新徒感流年鬢莖莖暗結銀

寺居寄簡長

雪苑東山寺山深少往還紅塵無夢想白日自安閑杖履苔花上香燈樹影間何須更飛錫歸隱沃洲山

灞陵秋居酬友人見寄

灞陵秋負期獨客自懷悲遠水去無極離人來幾時暝煙沉古道寒日墮喬枝寄信遙天外殷勤說白髭

州

漠漠更離離閑吟笑復悲六朝爭戰處千載寂寥時陣閣圓空壘叢疎路斷碑不堪殘照外牧笛隔煙吹

贈萬年胡主簿

廉可繼懸魚官清術有餘  
民田侵廢苑公署似閑居  
艸長通囹圄花飛落簿書  
見君松操直經考只如初

爛柯山二首

仙家輕歲月浮世重光陰  
白髮有先後青山無古今  
局終柯已爛塵散海尤深  
若覓長生路煙霞無處尋  
王質爛柯事傳聞不在疑  
百年容易客一局等閑碁  
此著有誰見無言祇自知  
石橋南畔路依舊日斜輝

聖宋高僧詩選後集卷上

錢塘陳起宗之編

贊寧

夜吟

獨坐閑吟野思清  
秋庭蕭索暮煙輕  
孤燈欲滅月未上  
萬籟寂然蛩一聲

居天柱山

四野落家庭柴門夜不扃  
水邊成半偈月下了殘經  
雖逆諸塵轉終歸一念醒  
未知斯旨者萬役盡勞形

秋日寄人

白鳥行從山背沒青鷗羣向水湄分  
松齋獨坐誰爲侶  
數片斜飛檻外行

智仁

送何輅歸錢塘兼簡辯端

家指西陵外滄波去幾程  
獨行山雪下孤泊夜潮生  
問路寒林迥移舟宿鴈驚  
到逢天空客爲話別來情

留題雲門寺

秦峰千古寺豈易得躋攀  
一夢幾回到片心長此闌溪

光涵石壁扶色露松關靜室孤禪後寒鐘夜滿山

暮冬旅宿寄趙秀才

旅宿荒涼甚幽懷可自寬  
風窗燈易滅雪屋夜增寒  
空迥鴻聲急更餘旅夢殘  
却思君舊隱欲到恨飛難

鑒微

贈翌上人

京寺別來久高齋近海隅  
引禪秋磬動照像夜燈孤  
愛水開新沼思山掛舊圖  
他時如結社許繼遠公無

送淳上人歸故山

舊隱頻關念，秦吳忽倦游。  
離亭逢落日，歸路隔滄洲。  
苔榻安禪石，松窗侵待月。  
樓重樓上方，夜歌枕瀑聲。  
秋

尚能

江行

渺然寒水上，四望盡無涯。  
沙迹迎潮沒，天形接海垂。  
壞衣汀靄濕，疎磬葦風吹。  
今夜猶船宿，還應與月期。

送簡長師陪黃使君

宣旦歸浙右

相送隨旌旆，離情亦萬端。  
霜洲楓落盡，水館月生寒。  
接話嘗茶偏，聯詩坐漏殘。  
歸期在嚴屋，却想留難。

送本如上人歸四明

隨緣離舊隱秋後却思歸古寺山光滿重城海氣圍道  
孤愁作客年長重忘機此去何人見雲根揜竹扉

送秀登上人

又負空囊出都城難久居西風隨鴈急寒柳向人疎野  
宿燈分燒船齋磬動魚如逢北來客應寄社中書

京口僧院

渺漠人煙外禪居靜趣多山遙天接樹江闊日生波鳴  
櫓時鄰響征車舊絕過清風數聲磬應不入漁歌

金山寓居

風霜千里未歸身古跡  
遙留外俗羣月到天心  
當利見濤分山脊在  
樓間倚吟老樹棲沙島  
寄臥虛巖貯海雲  
惟恐雪晴行興動  
迢迢楚路與吳分

子熙

浮雲樓

危樓依古堞旦夕生浮雲  
鳥外千峰出松根一水分  
窗寒侵樹色地靜長苔紋  
未盡登臨興紅塵日久曛

早春經山寺

幽徑州初青賞心雲外行  
衣穿花露濕瓶貯澗泉清  
殘照回峯影微風引磬聲  
遲留深竹裏拂石記開名

送本如上人歸

曉帆開霽色歸興杳無窮  
潮漲漁磯沒花殘海樹空  
靜吟生島月孤泊阻江風  
北去逢清論何人與子同

登京口古臺夜望

適意江天外孤吟上古臺  
海門帆正泊京口鴈初來  
露冷蟾輪轉河秋斗柄回  
故山千里隔歸思幾悠哉

用文

早春懷上國

上國知音在開門又見春雲中初去鴈天際未歸人積  
凍隨風盡羣芳向日新難忘舊游地一念一關神

夜吟

吟苦與冥搜更深物象幽直疑雙鬢白應感四鄰愁猿  
嘯千岑雪風含萬籟秋無人知此道明月照層樓

上慧日大師

京寺居來久終年獨掩扉吟餘花落硯定起月生衣樹  
隱宮禽迥鐘隣禁漏微朝賢盡知己休夢錦城歸

經泗上有寄

秋色動離襟相思寄旅吟  
河分隋樹盡路入楚雲深  
積水沉孤嶼微陽著遠林  
故人不可見何處訪知音

秋夕懷友人

疎林雨初後寂寞寄閑身  
凝望有明月相看無故人  
寒蛩吟處亂落葉坐來頻  
却恨同懷者迢迢不可親

旅中言懷

舉目無相識離懷聊自傾  
道孤諸旅况貧甚見時情  
淨社芙蓉老荒齋蟋蟀鳴  
終當舊山去免更競浮名

文瑩

三生藏

達者性不晦鍊形重入胎一元真璞在三指舊山來流  
俗見去住法身無往回昔經行道院香撥一星灰

寶積寺小雨

老木垂紺髮野花翻翅塵明霞送孤鷺僻路少雙鱗天  
近易得雨洞深無早春山祇認來客曾是洞中真

秀登

送小白上人歸華頂

瀑澗安禪石杖雲鎖碧層一峯如卓筆幾日策孤藤樹  
偃前朝蓋星輝下界燈超然歸此處心已契南能

朝海峯

萬仞朝滄海秋層上碧虛峭欹雲盡後寒倚月生初影  
落陽侯宅根連覺帝居誰能謝塵迹向北結茅廬

送貫微歸天台

秋歸赤城寺幽興難相同迹與片雲合心向萬境空傾  
耳霸樹猿吹衣瀑布風後夜越溪上夢斷寒雲中

惠理

客愁

向來春興自不淡老去客愁還復深  
半夜蜀禽呼夢破  
柳風桃雨總關心

古意

杏花枝頭蛺蝶飛似即游冶忘歸時  
杏花落盡蝶去  
即不歸來向底嬉

別趙莘老

十里青山照眼一篷疎兩催詩記取江邊作別煙村梅  
子黃時

書案上人庵

雨餘野禽聲斷續清陰碧流遠茅屋道人乞食晚未歸  
獨向殘陽淡雲木

野月

野月今宵滿小庭人共瞻却愁人去後殘魄獨窺簷  
多雨

晝道春多雨傷催花易空不知春態度尤在雨陰中

舟行寒江曲港

揚帆出浦又入浦轉盼順風還逆風蘆葉蕭蕭兩岸合

夢花細細一川紅  
鷗兼野鷺  
樹行棹浪挾汀沙  
打卧蓬  
行李向來吾自決  
漫將晴雨問漁翁

惠嚴

王度俊歸清江

沙頭相送意茫然  
彈指分攜近四年  
我懶坐銷閑日月  
君行經歷幾山川  
歸無阿堵團床下  
喜有童烏慰眼前  
此去清江能幾許  
莫辭因我少留連

喜雨

夢回欹枕聽寒更  
風急虛簷浙瀝聲  
料得田家翁媪喜

課兒菘笠待春耕

游廢圃

亭樹基猶壯  
笙歌迹已陳  
竹分通別徑  
花發屬南鄰  
雲散望塵友  
冰銷炙手人  
只因忘寵辱  
到此不傷神

春雪

食葉蠶聲亂  
穿花蝶翅輕  
鴈喧淮賊懼  
犬吠越人驚  
妬柳先飛絮  
憐梅襯落英  
兒童莫輕掃  
留待月華明

顯萬

捲煙閣

僧屋數椽巢本末風煙日與翠俱浮自無俗物敗人意  
况有春江拍岸流艇子得魚歸別浦鳧雛傍母睡芳洲  
夜晴兔月摩雲角翻作廣寒宮殿秋

送炭與湘山西堂惠然師

紛紛向火乞兒多獨有君如擇乳鶴萬煨爐中尋粲可  
一堆灰裏撥陰何雪欺敗屋閑屏柄艸卧空庭任雀羅  
亟送烏薪相暖熱恐隨春夢入南柯

別鶴操

三山邈何許煙霧如海深兩鶴翅相接意欲棲瑤林鷺

風起中路沙塵揚夕陰哀鳴失倚侶俛喙何苦心

曉發山店

辱食小人家寒燈碎落花雞鳴窗半曉路暗月西斜世  
故欺懷抱風霜迫歲華劇憐詩思苦悽惻向長沙

次喬口

喬口知名久煙沉水國寒受風帆腹飽歌雨櫓臍乾五  
渚源流異長沙氣象寬山川濟吾勝待月倚檣竿

明溪

夏木藏崖塢晴沙抱柳溪茅茨村遠近隴畝路東西野

老連描語山禽隔竹啼此中風物美吾欲卜幽棲

元日不出

坐憶湘西野客家詩筒茶竈舊生涯癡雲閣雨山腰重  
老樹樹波岸脚斜避繳樹蘆憐鴈陣採花釀蜜厭蜂衙  
故溪幸可浮茅屋歸聽崖翁響釣車

謾興

雨沉飛絮綠陰寒梅子枝頭點點酸心事向來吟不盡  
梨花院落一春殘

春日

窗外晴山竹半遮  
竹根澗水細鳴沙  
小園寂寞春無賴  
蝴蝶飛來逸菜花

聖宋高僧詩選後集卷中

錢塘陳起宗之編

延壽

舟中

一水浮千棹悠悠來去人纜開湘浦岸帆落楚江濱風  
色東西變潮痕旦暮新祇茲澄漢色幾度化爲塵

閒居

閒居誰似吾退跡理難遇要勢危身早浮榮敗德多兩  
催蟲出穴寒逼鳥移窠野徑無人剪疎窗入薜蘿

野游

獨步出衡茅寒雲著地交燒平多敗穴葉落見危巢

智圓

贈聞聰師

澹然塵慮絕禪外苦風騷性覺眠雲僻名因背俗高  
水煙蒸紙帳寒髮澁銅刀幾宿秋江寺間吟聽夜濤

江上作

往事那堪問長江空渺然孤城閉殘日荒隴積寒煙  
沙漲中洲濶潮樹古路偏莫疑疑陵谷事即日桑田

贈林逋處士

深居猿鳥共忘機，荀孟才華鶴氅衣。  
滿砌落花春病起，一湖明月夜漁歸。  
風搖野水青蒲短，雨過閒園紫蕨肥。  
塵土滿床書萬卷，元纁何日到松扉。

遵式

稽留峯

武林神仙宅，代有隱者游。  
谷靜雲性閒，源長水涵幽。  
吾居餘十年，自足忘百憂。  
豈嚙不死艸，夙陪無生儔。  
道慙情未減，身與世爲讎。  
安得會昔人，竹枝歌中秋。

酬仇上人

鳥外清閒極誰能更似君  
山光晴後見瀑響夜深聞  
拾句書幽石收茶踏亂雲  
江頭待無事終學棄人羣

贈智倫弟

溪竹擁疎簾溪雲冷不厭  
千巖惟虎伴一講許詩兼  
煮茗敲氷柱看經就雪簷  
有時開靜戶寒日下峯尖

隋觀法師塏

五六百年內金軀亦化塵  
方知新塚上盡是古人身  
白髮爭名急青山送骨頻  
除師靈塏外一一好沾巾

送苗推官

官滿載琴書乘春入上都  
煙波離遠岸桃李發中途  
俸薄尊常淺詩清道太孤  
登朝無恨晚未有白鬢鬚

隱者

一徑千峯裏何人更往還  
無爲無事者白首白雲間  
釀酒擔寒瀑尋猿過別山  
豈知名利客鞭馬向秦關

寄劉處士

度月阻相尋應爲苦  
雨吟井渾茶味失地潤履痕深  
鳥背長湖色門開古樹陰  
想君慵更甚華髮畫方簪

寄悟和尚

無累無機祇任緣一齋長揜古松邊  
寒垂白髮過深雪  
不下青林知幾年木葉當薪燒  
更煖薑苗爲屨著  
難穿  
竟何人問東林社時引清流灌碧蓮

酬蘇屯田西湖韻

兩餘殘景照漁家  
漁子鳴榔徹郡衙  
今夜相呼好垂釣  
晚來新雨漲蒹葭

重顯

送俞居士歸蜀

何處深棲役夢頻  
青城拋却數溪雲  
如今老大歸難得  
祇寫情懷遠送君

契嵩

古意

風吹一點雲散漫爲春雨  
灑予松栢林青蔥枝可取持  
此歲寒操手中空楚楚幽谷無人來  
日暮意誰與

感遇

空虛澄遠煙霽色含秋景  
思君每盤桓駐目千峯頂  
明月初圓樂可照  
美人影美人來不來  
雲霞渺林嶺

寄月禪師

聞道安禪處深難透隔溪清猿定中發幽鳥座邊栖雲  
影朝晡別山峯遠近齊不知誰問法雪夜立江西

寶曆

山院

滿院秋光濃欲滴老僧倚杖青松側抵怪高聲喚不應  
喚予踏破蒼苔色

惟政

橋上

橋上山萬重橋下水千里惟有白鷺鷥見我常來此

香林洞

香林接幽洞香乳無時滴日暮白雲歸擊之不可得

仲休

雲門峯

鶴唳峯前路行行世慮消  
蘿交藏石竇雲破露山椒  
樹老形多怪人閒色似驕  
誰同訪諸謝煙艸滿溪橋

顯忠

白雲莊

門外仙莊近翠岑，杖藜時得去幽尋。  
牛羊數點煙雲亂，雞犬一聲桑柘深。  
高下閒田如布局，東西流水若鳴琴。  
更聽野老譚農事，忘却人間萬種心。

清晦

登閣

小閣稱幽隱，登臨眺晚晴。  
暮雲埋落日，寒樹夾孤城。  
鳥道穿山色，人煙隔水聲。  
自憐疎散意，多不計浮名。

南越

石佛寺

松竹行纔盡香城絕世塵倚巖開半殿鑿石見全身鐘  
鼓中天曉煙花上界春出門重指首願值下生晨

楚巒

青城山觀

靜見門庭紫氣生前山嵐靄入樓青玉壇醮罷鬼神喜  
金丹藥成雞犬靈巖下水光分五色壺中人壽過千齡  
何當一日拋凡骨騎取蒼龍上杳冥

道潛

何氏寒碧堂

城東千畝春蕭瑟修竹漫山愛如擲颼颼細浪鳴石齒  
點點蒼雲翳朝日虛堂正在無有處不惜千竿開翠窰  
烏鳩野鵲亦解喜頽頽穿林語啾唧但得涼陰過酒樽  
莫辭晚色侵書帙  
蓮萊仙人爲書榜筆端矯矯龍蛇逸  
壯觀南來無與倫千載風流君不失

夏日山居七首

杜宇鳴春已歇薔薇尚有餘花吾廬宛同彭澤遠屋笑  
蔭交加

苦笋爭抽角批把競吐驪珠午飯松間睡足茶甌滿

泛雲腴

紈扇輕裁孤月竹簟冷織雙紋呼取涼襟幽吹拂開亂  
眼浮雲

陰洞石床初掃誰來共飯胡麻鳥道新疏碧注爲君沉  
李浮瓜

古徑斜依杉竹薰風永日無人噪鵲鳴鳩去後一聲幽  
磬南鄰

門外溪行碧玉林梢日墜黃金好景莫愁吟盡會看月  
出遙岑

遠壑尚餘殘照飛蚊已闌前簷巢燕歸來何暮呼童爲  
汝開簾

秋江

赤葉楓林落酒旗白沙洲  
清夕陽微數聲柔櫓蒼茫外  
何處江村人夜歸

臨平道中

風蒲獵獵弄輕柔欲立蜻蜒不自由  
五月臨平山下路  
藕花無數滿汀洲

再游鶴林寺

招隱山南寺重來歲已寒風林驚墜雪兩澗咽飛湍壁  
暗詩千首霜清竹萬竿東軒誦仙句洗眼共君看

江山秋夜

雨暗蒼江晚未晴井梧翻葉動秋聲樓頭夜半風吹斷  
月在浮雲淺處明

東園三首

斜照明明射竹籬桑陰翳翳麥蛾飛蕭條一徑無來轍  
時見羸牛引犢歸

曲渚回塘孰與期杖藜終日自忘歸隔林彷彿聞機杼

知有人家在翠微

雲峯缺處支筇立  
溪溜聲中弄扇行  
習習南風吹百艸  
幽香知有蕙蘭生

次韻朱伯收主簿觀雪三首

朝來密雪蔽天涯  
生日丘園發素華  
初看敗梧驚擁腫  
久霑度竹見欹斜  
水精不動垂千筍  
雲母無聲落萬家  
安得層穹返收拾  
莫教狼籍渾泥沙

陰風何事吼簷牙  
夜半窗前變物華  
夢斷只疑蟾影在  
褰帟俄駭練光斜  
苦侵陋巷凌寒士  
強入高樓媚酒家

霽後請看庭下艸蕙蘭含綠出晴沙

虛白齋與子瞻共生有客饋魚於子瞻子瞻遣  
放之遂命賦此

嘉魚滿盤初出水尚有清萍點紅尾銀腮戢戢畏烹煎  
掘強有時俄自起彼客殷勤贈我君願向中厨薦醪醑  
使君事道不事腹把菊終年食甘美傳呼慎勿付庖人  
百步洪邊放清泚回首無欺子產淳漫道悠然泳沒底  
子瞻席上令歌舞者求詩戲以此贈

底事東山窈窕娘不將幽夢屬襄王禪心已作沾泥絮

肯逐春風上下狂

陪子瞻登徐州黃樓

黃花離披秋日短使君無事邀僧飯  
飯餘教語燕香幽  
共坐圓庵不知晚燭龍持火報黃昏  
使君愛客還留連  
前登脩經步超逸後却從御來聯  
翩城頭陰陰未上月  
城下數激鳴潏浚漁燈照船沙岸近  
賈客夜唱聲清圓  
徘徊始轉黃樓側銀箭銅壺知幾刻  
攔干倚遍惜分攜  
立立芙蓉珠露滴

夜泊淮上復寄逢原

黃沙白艸滿淮垠  
逆旅蕭條思不禁  
風約亂雲歸隴首  
角催明月出波心  
搔頭湧處潮初上  
斗柄移時夢未沉  
遙想故人投宿地  
畫船應在碧榆林

晚興

牆角風欺竹影斜  
數聲啼盡欲棲鴉  
重門已閉斷還往  
獨捲疎簾進月華

春詞二首

輕雲着地柳絲垂  
百尺高臺獨步時  
遙愛南隣紅杏樹  
曉來新有過牆

濛濛小雨暗池塘  
遠樹依微不辨行  
可是晚來風更惡  
杏花撩亂撲回廊

九江與東坡居士話別

雲水黃樓赤壁間  
勝游長得共躋攀  
屠龍冉冉空三載  
窺豹悠悠愧一班  
投錫雲林聊避暑  
絕江舟楫自東還  
求田問舍知何處  
杖屨他時訪小山

訪荆國上公三首

浩蕩經綸志已行  
北山歸老思冥冥  
何妨度水穿雲客  
拄杖芒鞋到戶庭

博辯舊聞輕孟子談經早不愧揚雄惠能使倆元無有  
還許從容廣坐中

苦嫌榮祿早收身歸與漁樵共隱淪白下門西山迤邐  
興來長是岸烏巾

余初入智果院蘇翰林率賓客相送者十六人  
各賦詩一章用圓覺經云以大圓覺爲我伽藍  
身心安居平等性智爲韻得以字

泰山屹天下四海同仰止我公命世英突兀等於是曾  
中廓秋漢皎絕微雲滓當年事危言軒冕如脫屣正責

知我希寧慚不吾以風雲采再符六翮排空起一昨厭  
承明抗章求迤邐餘杭古雄藩比屋富生齒立設政即  
成興不負山水雍容敦末契訪我頑且鄙大旆輝松門  
禽猿亦驚喜森森門下士左右聚珠履使君道德姿圭  
角非所恃軟語如春風薰然著桃李今朝真勝事千載  
足遺笑安得筆如椽磨崖爲公紀

辯才生日

像未真風怒不傳故生豪傑爲人天慈航橫截三千界  
法雨均霑四十年獨鶴精神秋始健長松根節老彌堅

莫將有物觀無象  
唾霧冰輪處處圓

梅花寄汝陰蘇太守

湖山搖落歲方悲  
又見梅花破玉隄  
一樹輕明侵曉岸  
數枝清瘦耿疎籬  
良辰易失空回首  
習氣難忘尚有詩  
所向皆公舊  
題墨肯孤魚鳥却來期

歸溪上

市朝塵土污人衣  
遠憶雲山便賦歸  
溪水繞門秋欲晚  
落花漠漠鷺鷥飛

聖宋高僧詩選後集卷下

錢塘陳起宗之編

善權

寄懷仙上人

幽谷山前看卷衣石頭城下寄禪枝  
相望幸有一日雅命駕可無千里期  
鷗鳥不驚機事息鯉魚多故尺書遲  
何年白髮同丘壑瓦甌時將玉稻炊

陪王性之游東西林

折簡招呼出暝嵐暫將彌勒不同龕  
後車載我游山北

前導因君作指南曉徑共飛靈運屐夜牀共對阿戎談  
宗雷舊社無人嗣謾試聰明一勺甘

洪崖橋

水發香城源渡澗隨曲折奔流兩崖腹汹涌雙石闕怒  
翻銀河浪冷下太古雪跳波落丹青勢盡聲自歇散漫  
歸平川與世濯頰熱飛梁瞰虛碧洞視疎毛髮連峯翳  
層陰老木森羽節洪崖古仙子鍊秀搗殘月丹成已蟬  
蛻井臼見遺烈我亦辭道山浮盃愛清絕攀松一舒嘯  
靈風被林樾尚想騎雪精重來飲芳潔

王瞻明蔡東老江全叔訪余圓通精舍且日相  
與杖屨步層巘臨絕壑藉艸拘泉會飲於龍泓  
之上嬉笑諷詠甲夜忘返此樂不世有也釋氏  
子善權與焉因成古風以叙一時勝集耳

王郎幹國器學古忘孔周新詩亦餘事氣已喬曹劉蔡  
侯富經術筆力追華駟飛騰得良御咫尺畧九州江子  
忠孝齋瞭焉見清修危言驚四座武庫森戈矛翩翩三  
公子訪我廬山幽相逢喜折屐共歎澗谷游是節過梅  
雨涼風回麥秋十林散霏煙萬壑湧碧流攜手臨虎穴

寒棠渡龍湫藉艸翳松竹挹泉灑芳柔試作文字飲咄  
嗟其盤盞酒酣方天地王客遺賦酬險語正激烈長歌  
伴牢愁吾徒故不飲絕倒消煩憂落日吼蒼兕明月浸  
紅榴華燭照歸路殘鐘殷層樓人生行樂再一醉豈易  
謀公看功名骨千載聞古立

山中懷養直因次王性之韻兼簡東溪可師  
不見蘇季子長吟碧江曲挂影 埋波涼飈度喬木此  
即天與才筆挾風雨連經營萬物表咳唾落珠玉何爲  
廊廟姿抱獨向山谷晚雲低蕙帳初日明雪屋知君有

奇尚窮達均十日欲提折脚鐺共煮東溪菽

次韻酬初上人

少懷青霞忘雅意從祝髮法潛吾所師蓬戶等珠闕蒿  
萊破三徑興寄餘七發病軀猶寒松凜凜露疎骨江鷗  
頗相知容與初不沒之子吳國秀外澤中欲訥搖毫寫  
風煙敏棧過霜鶻高情貫溟滓妙理窮法窟報章久不  
嗣魯鈍庸敢忽但願針芥投孤圓指心月

送法仁上人

道人山南來訪我山北麓蹙然慰幽憂喜氣拂庭竹逸

韻凌層霄雙眸炯明玉妍談起衰懦萬籟發空谷自言  
厭行李振食歲月促久辭忠山泉夢遶漪瀾曲只今具  
扁舟思飲   椀淥別袂挽莫留歸心暮雲速此生何所  
似江海兩浮木縱浪浩渺中邂逅一相觸風波忽漂蕩  
後會那可卜新詩憶不遺願寄南飛鷗

山中秋夜懷王性之

風雨一葉秋北窗夜初永候蟲鳴空階蝙蝠挂藻井龕  
燈照癡坐苔壁印孤影試觀鼻端白粗了虛幻境萬事  
皆浮休百年政俄頃學詩寒山子造語少機警故人王

文度襟韻獨秀整間蒙吐佳句惠好灼哀冷何當翳華  
芝飛步越林嶺攜手別荆薪歡言饌湯餅長嘯凌紫煙  
同升妙峯頂

同玉性之游西林有老衲畜一碧壺制作甚古  
把玩久之性之求得欲以相寄復爲瞻明所奪  
戲作此

玩物有喪志達人自觀生真腐與神奇同出而異名是  
身等疣贅身外安足營厭看珠玉場竟作水火爭况此  
枯塚物視若鴻毛輕山家一題評取予紛奪傾竒計先

趙璧拙謀笑秦城誓將鐵如意碎與瓦礫并寄聲弄九  
子解此兩不情

次韻酬養直

冰雪照人蘇季子幅巾短褐在山林胃中涇渭自派別  
砌下桃李成清陰珠藏老蚌夜光逸豹隱南山春霧深  
軒冕儻來初不計要從僧榻坐觀心

再游廬山

聞道猶梯米駕言事南求百城走風煙銜錫半九州年  
華去何極齒髮逝不留是身萍無根雪浪從掀浮得坎忽

自止此生亦安休康廬昔所經未暇窮深幽回首食宿  
地歲星行一周林間訪耆舊太半即古丘五老如故人  
相逢更綢繆仍要木上座共結無情游

仁老湖上墨梅

會稽有佳客邁軸媚考槃軒裳不能榮老褐圍歲寒婆  
娑弄泉月松風寄絲彈若人天機深萬家回筆端湖山  
入道眼島樹縈微瀾幻出龍首春疎枝縱冰紈初疑暗  
香度似有危露溥縱觀煙雨姿已覺齒頰酸迺知淡墨  
妙不受膠粉殘爲君秉孤芳長年配崇蘭

送墨梅與王性之二首

道人筆下有春色  
寫出江南雪壓枝  
千里持來煩驛使  
暗香不減隴頭時

眼底春光回隴首  
雪中疎影落平湖  
政須送與王摩詰  
對着輞川煙雨圖

送崇上人之湘中

雪照赤藤杖  
梅飄白氎巾  
三湘寒浸月  
七澤渺含春  
物色騷人思  
煙波衲子津  
天南有回鴈  
帛信莫因循

梵崇

寓居西林

一身雖復懶，百念勤掃除。衆人自紛擾，我心長晏如。寄  
茲西林寺，適與靜者俱。流水響環玦，芳林列扶疎。時聞  
南面甯煙中，認香爐。夜梵出遠壑，朝雲生坐隅。高眠謝  
俯仰，一食隨鐘魚。須知天宇間，在所皆我廬。何必支上  
人，買山纔隱居。

春暮

未作郊原十日游，村村楊柳色青柔。無端風雨夜來惡，  
桃李一空春又休。

示圓上人三首

小雨驟鳴砌，葉薄雲忽改。  
秋容不見西山暮，色但聞煙  
外疎鐘。

繚繞蒼杉萬本森，巖密竹千竿。  
未到菊花時候，夜堂已是清寒。

竹屋君能共老蔬，畦畦我自躬鋤。  
有箇生涯湖上，何當便賦歸歟。

香泉濟大師見過

老木因風時自疏，杜門春徑長蓬蒿。  
得君過我殊堪喜。

夜語不知山月高

若訥容膝齋

一室良易安兩膝劣可受道人樂虛寂嘿坐徹清晝雙扉閉不開而我時一叩禪味恣所嗜妙理深莫究小窗接白雲喬木挂元扞細泉出蒼崖冷然瀉幽竇

贈元華二上人

英英二子真連壁俊氣渾如支遁師茶鼎熏爐三日欵青燈夜雨十年期江山去我苦嫌遠溪寺識君空恨遲政自別愁無處著更當啼鳥落花時

夜歸

暮策返溪寺松風遵路長  
水幽聲斷續山暝色蒼茫  
鐘隱空巖響露滋羣艸香  
歸來人已寂華月半虛廊

春晚和呂少馮

莫問春愁與客愁  
從來便覺此生浮  
我今心性底相似  
正似荻花江上鷗

次韻子虛承事

松門閑倚杖四顧好風煙  
水繞寒城外山橫落照邊  
孤雲凝大壑一鴈沒遙天  
徑欲過支許青燈對榻眠

瑛上人從廬山來相訪

昔別江南蘇政肥，今逢淮右雪花飛。  
感君千里忽相訪，顧我一身猶未歸。  
歲月但驚如鳥過，雲山空歎與心違。  
更須少待臘寒盡，復策瘦藤還翠微。

雜興二首

空山無一事，深喜去人羣。  
艸堂繞流水，竹籬懸斷雲。  
小詩閑裏得，幽鳥靜中聞。  
時得隣僧飯，同羨碧澗芹。

振策出游眺，崎嶇歷榛蕪。  
林靜遠聞鴈，水清深見魚。  
既喜原野曠，復欣懷抱舒。  
歸來日已暝，宿鳥自相呼。

送子建李教授

相逢初恨晚，欲去更關心。  
已是故鄉遠，况茲殘雪深。  
野雲寒委地，遙日曉升林。  
執手此爲別，柴門難重尋。

書西林房壁

秋著梧桐葉已零，西風吹起故人情。  
不知他日北窗下，誰聽泠泠寒澗聲。

觀燕肅山水

憶昨神林口，江山此畫同。  
沙鷗輕泛浪，浦樹遠含風。  
一舸菰蒲外，數峯煙雨中。  
箇中誰得計，蓑笠釣魚翁。

曇穎

小溪

小溪莊上拚柴扉  
雞犬無聲月色微  
一隻小舟臨斷岸  
趁潮來此趁潮歸

清順

宿天竺

昔人不可見  
行路多長松  
空遺煉丹處  
井幹綠苔封  
月明還獨宿  
白雲下疎鐘  
夜半桂子落  
不知自何峯

林下

久服林下游頗識林下趣  
縱然綠陰繁不礙清風度  
間於石上眠落葉不知數  
一鳥忽飛來啼破幽寢處

元照

白雲庵

道人倦逢迎結庵就巖穴  
靜愛山頭雲空濛如積雪  
隨風亦舒卷觸石更明滅  
却憶古人詩祇可自怡悅

曉瑩

南昌道中

東游心渺渺趼足步遲遲  
馬驛黃茅路人家白竹籬  
歸

雲橫斷嶺落日映荒陂何地可容足長城招隱詩

晏瑩

南張道中

北山松粉落輕黃  
濯雨蝦鬚麥吐芒  
槐火石泉寒食後  
十分春事屬農桑

睡起

蕙帳煙凝晝揜關  
落花時節雨闌珊  
客來驚起還鄉夢  
繞屋春風綠樹寒

姚江

沙尾鱗鱗水退潮  
柳行出沒見漁樵  
客船自載鐘聲去  
落日殘僧立寺橋

示超然上人

往事明明是夢中  
髮霜那有舊形容  
客床對卧秋深雨  
聽得鄰僧半夜鐘

宿香積寺

拂榻香凝夜清眠  
擁衲衣五更聞喚起  
一路聽催歸山  
雨寒仍重溪雲濕  
不飛幽花短臨水  
蜂蝶冷相依

仲皎

靜林寺古松

古松古松生古道枝不生葉皮生艸行人不見樹栽時  
樹見行人幾回老

希雅

寄禮導師

拵關名自遠鯨浪阻相尋講罷帷澄慮孤峯祇此心栢  
煙秋榻靜蓬漏夜堂深盡仰鄞江上清風繼道林

聖宋高僧詩選續集

錢塘陳起宗之編

祕演

山中

結茆鄰水石澹寂益閑吟  
久雨寒蟬少空山落葉深  
危樓乘月上遠寺聽鐘尋  
昨得江僧信期來此息心

淮上

危橋當古寺閑倚喜同僧  
極浦霽秋雨扁舟明夜燈  
風沉人語遠潮漲月華昇  
萬事空凝念其如惣木能

賈希德

山東持木鐸高誠世難尋  
覽照驚秋鬢看碑見舊文  
救時曾抗牘退迹欲眠雲  
帳外橫經者清朝已立勳

寄四明教主

古跡傳深旨清流照瘦顏  
四方來問道半世不離山  
養鶴憐終潔看雲許共閒  
仍聞梵幻質幾欲別人間

書光化軍寺壁

萬家雲樹水邊州  
千里秋風一錫游  
晚渡無人過疎雨  
亂峯寒翠入西樓

洛陽春

雨霽園林宿靄微  
暖風遲日薦芳菲  
池蒲露劍驚魚躍  
簾額翻波礙鳥飛  
好景正繁春未半  
小桃初放蝶仍稀  
閑中兩兩高陽輩  
醉泥東君夜不歸

游古觀

參差宮殿倚青天  
一別重來四十年  
老捨挂巢時有鶴  
亂雲藏洞久無仙  
春移艸色抽新帶  
雨養苔痕壓舊錢  
兩兩相逢皆不合  
落花流水石鑪煙

擇鄰

寄禮法師

寺枕滄溟上門長揜寂寥定回花漏斷講徹獸煙消入  
檻泉聲細當軒岳色遙何時會重席南望路迢迢

清外

葛洪丹竈

羽客昔眷此鍊液奪化功至今寒雲色樹樹復凝空

蘊常

送空上人

過了梨花春亦歸小窗新綠正相宜白頭更作西州夢

細雨青燈話別離

天竺道中

紫蘭含春風日暮香更遠  
澗道水平分曲折渡清淺  
飛花當面墮顛倒落苔蘚  
念此芳意闌歸思紛莫遣

知止亭晚望寄清大師

柳繞平湖綠映堤  
攔于人靜夕陽遲  
歸鴨欲盡千林暝  
白鳥飛來一段奇  
短髮綠愁分壯志  
斷雲含雨入新詩  
不堪更作懷人恨  
歌罷竹枝成別離

別蘇養直

老去難爲別，愁邊更着秋。  
碧蘆圓野水，落日滿行舟。  
鴈斷西風急，天寒古寺幽。  
兩鄉無百里，能寄短書否。

登虎丘卽事

九月凭欄已怯風，鬢霜留我客愁中。  
夕陽看盡烟生樹，野水無情天四空。

春日

燒燈過了，客思家，獨立衡門數晚。  
鴉燕子未歸，梅落盡，小窗明月屬梨花。

江村

江村風息葦花飛  
漠漠吹煙樹影稀  
亦有人家沙際住  
夕陽雞犬傍人歸

正勤

落葉

蕭索下疎林  
翩翩動客心  
帶煙浮遠水和露  
逐飛禽  
近砌凋將盡  
前村疊更深  
年年見衰謝  
看即二毛侵

昭符

秋夕

又是聽猿吟  
如何恨更深  
每因多病日  
減却少年心  
凍

鶴連巖雪愁人半夜砧故園阻兵草消息遣誰尋

法具

登道場山

野吹竹色寒下有古澗道收兒放箠眠牛馬齧風艸

新興

老子愛江水江面開竹門江流竹影薄子細見前村

客中會友

愁中有句可消除客裏無人問所須竹屋青燈雨聲冷

白頭相對話江湖

東山

窗中遠看眉黛綠盡是當年歌吹愁鳥語夕陽人不見  
薔薇花暗小江流

如璧

秋江

秋江渺渺秋風急蘆花不飛露猶濕江頭倚杖不逢人  
鷺鷥飛上漁舟立

山居雜頌

禪堂茶散卷殘經竹杖麻鞋信脚行山盡路回人跡絕

竹雞時作兩三聲

溪邊小立聽溪聲日到溪心  
袞袞明獨木自橫人不渡  
隔溪黃犢轉頭鳴

訪韻光祐公不遇

紫葳伸拳筍破梢揚花飛盡綠陰  
交道人閉戶不知處  
黃栗留鳴鵲在巢

再用趙元達韻

揚柳池塘表裏青魚兒偷眼畏蜻  
蜓夜來雨過菖蒲淨  
倒浸中天四五星

贈道士張謙中

道人髭鬚似民部平生篆隸心獨苦世間筆墨一點無  
駸駸氣象追千古道人得師在何許秦漢鼎彝周石鼓  
若嶧山碑若詛楚二李而下初不數異時心醉不窺園  
依繩作直規作圓一朝妙解古人意脫落尺度誠其天  
嗟君絕藝世無敵勿示時流渠未識我亦當年好古人  
推席爲君三歎息

惠洪

寓鍾山

生涯如俗鳥棲息此山中  
睡足誰呼覺煙銷篆已空  
殘經欺眼力斜日借窗紅  
卧聽銅瓶泣青松萬壑風

寄傲軒

道人飛鳥倦知還一鉢安巢入故山  
無累自然增逸興有名終恐廢長閑  
背時生計風煙上隨意雲林指顧間  
應笑市朝爭奪者暗驚清鏡失朱顏

宿東安

淡雲缺月兩微芒獨酌沽來竹葉香  
已把功名比雞肋更驚世俗似羊腸  
心情老去俱消盡詩律年來覺倍強

解誦東坡北歸曲此身安處是吾鄉

鞦韆

畫架雙栽翠絡偏佳人春戲小樓前飄飄血色裙拖地  
斷送玉容人上天花板潤沾紅杏雨綵繩斜擘綠揚煙  
下來閑處從容立疑是蟾宮謫降仙

送僧

古寺閉門聊作夏秋來歸思謾迢迢枕中柔櫓驚鄉夢  
門外秦淮漲夜潮想見舊房生薜荔不堪疎雨滴芭蕉  
何時却理綠雲策同上峯頭看石橋

策杖

策杖晚煙桑柘塢園林秋盡露人家破籬犬吠柴門掩  
寒犢自歸山日斜

夏日

山縣蕭條早放衙蓮塘無主自開花三叉路口炊煙起  
白瓦青旗一兩家

湓江夜泊

琵琶亭下孤舟宿夜靜風清水四圍好是夢回江上月  
蘆花鳴笛釣船歸

道全

秋曉

飄飄楓葉艸萋萋  
雲壓天邊鴈陣低  
何處水村人起早  
櫓聲搖月過橋西

守璋

春晚

艸深煙景重  
林茂夕陽微  
不雨花猶落  
無風絮自飛

希顏

普和寺

朱樓紺殿半江村  
石壁深藏佛影昏  
最好夜深潮水滿  
櫓聲搖月到柴門

守詮

晚歸

落日寒蟬鳴獨歸  
林下路柴扉  
夜未掩片月隨雲屣  
惟聞犬吠聲又入青蘿去

正宗

江都燕

荒城春色裊花濺  
淚潺湲  
社燕歸無屋  
營巢寄客船

觀孫司戶畫壁

若人曾次間能容書四庫餘地着山水得酒欲飛去摩  
挲雪色壁吐作無聲句寒屯水際雲瘦立煙中樹雖非  
桃花源亦自有佳處未休蝸角兵欲問樵蘇路祇恐山  
中人笑我來何暮

次韻蔡堅老秋日登擬峴臺

秋容澹薄晚煙孤千里誰開水墨圖欲借扁舟乘興去  
卧看月影弄風蒲

山寺晚歸

登臨興未盡落日苦催歸扶持出門去山寒露濕衣

繼興

寄四明教主

修真依淨社幽致絕纖埃盡日冥心坐諸方學者來衫  
松園講石猿鳥立生臺却憶重游處扁舟泛月回

遇昌

上法智大師

雨霽遙空木落時危亭南望倍依依白蓮舊社人離久  
丹關經年信去稀入觀夜堂江月滿揮松杖殿晝燈微

林中自有吾廬在請益終期海上歸

益

中川

日薄雲收野渡潮生月上江村隔岸人家可數分明半

掩柴門

法平

北固山

不負南徐約來看北固雲金焦兩山小吳楚一江分兩  
意生蒼壁潮聲起夕曛半生流落恨此日重殷勤

曉上人還浙東

鳥宿柴門靜更深別意傾孤燈寒有暈細雨夜無聲渡  
曉人爭立潮平櫓亂鳴君今成獨往老罷若爲情

慧梵

太湖

黃蘆一股水翠竹兩三家落日聞雞犬荆菴一徑斜

雨後

柴門三日雨幽徑十分苔鞭綻竹間石釵漫松臺正  
嫌屐齒入休逐馬蹄來

宋僧詩選補目錄

卷上

知和	三首	祖可	二首
祖心	一首	道璨	十五首
雅正	一首	法成	一首
文及翁	二首	慧日	一首
淨臺	一首	法常	一首
真覺	一首	彩雲	一首
惟湛	一首	懷悟	一首

卷中

淨真

一首

梵卿

一首

法具

一首

蘊常

三首

斯植

十二首

宗覺

一首

智鑑

一首

原妙

一首

奉恕

一首

妙普

二首

可觀

一首

道舉

一首

淨端

三首

林外

一首

志銓

一首

宇昭

一首

善珍

一首

德祥

一首

卷下

永順

十三首

宋僧詩選補卷上

元錢塘陳世隆彥高編

知和

移住二靈山作 三首

自從南岳來雪竇二十餘年不下山  
兩處佳山身已老更尋幽谷養衰殘

方世界眼前寬拋却雲菴過別山  
三事衲衣穿處破條藜杖伴清閒

黃皮裹骨一常僧壞衲蒙頭百慮澄  
年老嬾能頻對客

攀蘿又上一峻嶒

祖可

墨梅

不向江南冰雪底  
乃于毫末發春妍  
一枝無語淡相對  
疑在竹橋烟雨邊

秋屏閣

袖手章江淨渺然  
倚風殘葉舞翩翩  
霜鷗睡渚白曠雪  
霧雨含沙輕若烟  
揚柳一番南陌上  
梅花三弄遠雲邊  
匣鳴雙劍忽生興  
我欲因從東去船

祖心

初退黃龍院作

不住唐朝寺  
閒爲宋地僧  
生涯三事衲  
故舊一枝藤  
乞食隨緣過  
逢山任意登  
相逢莫相笑  
不是嶺南能

道璨 字無文

仙巢海棠洞

領客坐花陰  
飲客酌花露  
先生自家春  
八荒一牖戶  
淒其望前修  
一枝閱世故  
鶴車來不來  
東風吹日暮

題源虛叟廬山行卷

胸中有廬山筆下有廬山窻下有廬山眼中有廬山別  
山十七年見山一日間韻險落鬼膽語妙破天慳永懷  
看山人恨不同躋攀摩挲青石硯負山良厚顏天風幾  
時來乘之欲西還

和雲壑吳衡州

紛紛世事幾昏明作計還山又未成欲學種松消永日  
不從煨芋博虛名雲開岳鵬程濶秋入鄱湖雁影清  
也欲摩挲病來眼春風暖處望前旌

寄題高大清東邨

浮花浪蘂易飄零，看著桑麻眼便青。  
荷鋤歸來春晝永，柴頭重讀相牛經。

和梅邊汪提幹

我夢嵇山陰，茂林挾修竹。鑑湖八百里，眼看不盈掬。  
管領天下清，此樂梅邊獨。幾欲驅車去，雲根夜同宿。  
山空秋月明，安期未可卜。蓬萊水清淺，褰裳同往復。  
徑謁蔡少霞，不待青童獲。共草新宮銘，調高語圓熟。

送松岡黃提幹

人物如公豈久淹，極和平處極森嚴。  
無心爲祿長思去。

直道從人肯避嫌學務躬行惟恐失貧於未仕不言廉  
書邊大有閒田地有口從今只學鉗

和恕齋吳提刑秋陽菴居

截斷人間名利塵橫塘深碧護新墳昏明不定霜天月  
開合無心竹屋雲風雨對牀差可喜乾坤萬事不堪聞  
栽松種竹閑功課却爲憂時一半分

題和山推蓬看梅圖

沙頭寒聲入蘆葦沙際暝烟濕微雨疎花明在樹稍頭  
吟身卧在船篷底相看一咲大江橫白鳥不飛天似水

逃禪吳骨閔九原  
楮郎有神呼得起  
倔強橫枝不受屈  
玲瓏孤標淨如洗  
春風滿面吹不開  
冰雪滿身凍不死  
歲寒心事誰得知  
大似和山隱君子  
我有扁舟蓑笠盟  
落在吳頭并楚尾  
挑燈今夜不成眠  
免得相尋來夢裏

致軒趙使君領客及子姪入山即事次韻

戴家湖上寺近市  
有山林雨足四郊潤  
雲低盡日陰竹  
疎和翠減松老受春深  
留得行窩住樓頭  
午漏沉

題水墨草蟲

蜻蜒低傍豆花飛  
絡緯無聲抱竹枝  
憶得西湖烟雨裡

小園清曉獨行時

立秋

碧樹蕭蕭涼氣回  
一年懷抱此時開  
桂花籬下占秋事  
蚤有牽牛上竹來

樗寮生日

長庚流輝千丈強  
斗南夜氣浮耿光  
晉唐以前舊人物  
翻然乘風下大荒  
平生厭官不愛做  
自歌招隱山中住  
後園明月手自鋤  
多種山前老梅樹  
歲寒心事梅花清  
蒼蒼白髮梅花明  
有時指花對客道  
此是我家難弟兄

上國春風醉桃李過眼紛紛付流水  
禁得清寒耐後霜  
幽獨何曾有如許今年枝間著子無  
黃金作窠應纍纍  
想見日長庭院靜時時逸枝如哺  
雛摘來不用俱調鼎  
且喚麴生相管領等閒一醉一千年  
莫遣東風吹酒醒

和余山南僉判清溪觀荷

東風已老南風急浪蕊浮花和露泣  
翠袖盈盈波上乘  
相向美人如玉立軒渠一咲俱動容  
彼此一樣冰雪蹤  
明珠散不論斛斗清溪化作驪龍宮  
大江以東北山北  
時樣新妝皆失色古心一寸誰得知  
江上晚來數峰碧

普天之下車上演客著不盡胸中春濂溪愛花我愛葉  
難將此意輕語人探尋勝處到深杳兩眼眈眈天地小  
不離枝葉見花實紅白紛紛跡如掃膝間不著無絃琴  
酒中清濁時自斟與寄超然八荒內身在水洙香世界  
綠雲冉冉撥不開樂地可中能詩大中通外直直絕竒  
一語能覺千古迷二百年後誰傳衣清溪袞袞通濂溪

和楊在軒劑院

箭下曾親中鵝來一葉風雨雪川回近詩不遠唐聲變  
燕服多依晉樣栽竹屋逢僧閒煮茗梅邊頷客慣行盃

終當疲直金鑿去要試平生倚馬才

秋思

草根無數候蟲鳴月在梧桐枝上明  
庭院無人過夜半  
白搗團扇繞階行

惟正

山中

橋上山萬層橋下水千里惟有白鷺鷥  
見我常來此  
法成

山居

雪覆喬林同一色青山上下含虛碧  
採樵人立渡頭寒  
極日圓蟾爲誰白

文及翁

和蘓學士東坡韻二首

萬歲山藏不二中九峰峰下善財童  
敲門問竹機鋒觸  
倚檻看花色界空  
法坐蒲團曾有夢  
我來芻牧媿無功  
吳天蜀地原來近  
月照峨眉日又東

身漏華嚴法界中  
香厨底事感天童  
那知本覺從何覺  
繞悟真空自不空  
若有相時原說夢  
到無言處却收功

一鉤月出星三點汝向西來我向東

慧目

題院中白蓮花

神物何由測芬陀陸地興素芳呈玉雪梵刹肇丘陵  
額徒偏霸懸碑自老僧殷懃勸來者期使續千燈

淨曇

絕句

本自深山卧白雲偶然來此寄閒身莫須問我禪兼道  
我是穿衣喫飯人

法常

題室門

此事楞嚴常露布梅花雪月交光處一咲寥寥空萬古  
風甌語迥然銀漢橫天宇蝶夢南華方栩栩斑斑誰跨  
豐於虎而今忘却來時路江山暮天涯目送鴻飛去

真覺

再題華菴

道人自結把茅新坐斷溪山秋復春夾竹日開梅數朶  
此中曾否看香塵

彩雲

彩雲偈

彩雲影裏仙人見  
手把紅羅扇遮面  
止須掙眼看仙人  
莫看仙人手中扇

性湛字廣燈

示人

馬上誰家白面郎  
穿花折柳垂巾角  
夜來一醉明月樓  
呼盧輸却黃金宅  
僻鷹走狗歸不歸  
蛾眉皓齒嗔無力  
此心能有幾人知  
黃頭碧眼非相識

懷悟字瑞竹

廬山蓮社咏

晉室凌遲帝紀侵羣英晦迹匡山陰樓煩大士麾麈尾  
半七高賢爭扣几才高孰謂文中龍翻使伊人思謝公  
頭飛露滴玉池空雪蓮蘸影搖秋風

淨真

呈安撫趙端明

海沸江沙水接連民居樹蕩蓋憂煎投身直入龍宮去  
要止驚濤浪拍天

梵  
卿字象田

獨

春已暮落花紛紛下紅雨南北行人歸不歸千林萬林  
鳴杜宇我無家兮何處歸十方利土奚相依老大有箇  
其消息昨夜三更月在池

宋僧詩選補卷中

元錢塘陳世隆彥高編

法具

絕句

燒燈過了客思家獨立  
衙門數暝鴉燕子未歸梅落盡  
小窻明月屬梨花

蘊常字不輕

送空上人

過了梨花春亦歸小窻新綠正相宜  
白頭更作西州夢

細雨青燈話別離

天竺道中

紫蘭含春風日暮香更遠  
澗道水平分曲折渡清淺  
飛花當面墜顛倒落苔蘚  
念此芳意闌歸思紛莫遣

別蘓養直

老去難為別愁遠更著秋  
碧蘆園野水落日滿行舟  
鴈斷西風急天寒古寺幽  
兩鄉無百里能寄短書否

斯植字建中

送故人之天台

新綠又成陰歸期直到今人行芳草遠犬吠落花深野  
店春寒雨江城橘樹林無情名利事休繫一生心

上竺寺

古寺寒橋路鐘聲靜忽聞數峰平處合一水衆溪分老  
樹煙蘿雨殘燈石墻雲閉心寄幽寂似覺遠塵氛

山中即事

千峰當此境誰可共登臨月過秋池靜雲歸古木深懶  
觀前去事已悟未來心更欲尋詩伴相攜向石林

對梅寄人

欲問江梅信吟筇帶晚霞  
咲看今日樹開遍幾年花  
疎影生來瘦寒枝折處斜  
要教人寄遠何地是吾家

春日

人生厭別離老去更何爲  
獨對清明雨閑吟杜日詩  
野蜂成蜜早海燕入簾  
遲未盡尋春興應須媿後期

夜坐有感

角送重城月微風入夜涼  
身輕長是寄吟苦未應忘坐  
久燈成燼愁多鬢欲霜  
百年還老去誰可繼餘芳

送人之吳

無心學隱淪此去向吳津千古是非地一燈烟雨村烽  
塵憐楚戍榆柳隔淮春別後新吟句何人可共論

題天竺岩栖山房

一室寄雲隈凭欄日幾回無風山自雨有主燕還來野  
徑通樵遠岩花向晚開舊詩題數壁今已半蒼苔

丁巳燈夕前六日觀抱拙寄敏齋韻因事有感

走筆以賦

萍跡倚春風春光苦未濃人間連日事塵外一宵鐘遠  
雁書難寄殘碑字已封幽人住城市清夢兩三重

送隱士遊京淮

送君湖柳下未別已開情  
古塞去程遠寒江入夢清  
野雲低水樹山雨閉春城  
到處逢知己虛傳隱姓名

雨夜

雨雪寒窗下孤燈夜不眠  
衰殘如舊日榮達是何年  
已覺觀書妄方叅入世緣  
存心在仁里何必後人傳

送敏上人歸永嘉

風光苦變遷客裏對殘年  
別我此時路問卿何處船  
船斷雲連雨雪落日遠人烟  
又向龍湫畔開扉近瀑泉

宗覺字無象

次韵答王龜齡

少年詞賦客昔與翁遊暫柳驂駟姿聊伴鹽車留幽  
城賞春色明月同高秋君才如鮑昭顧我非湯休木桃  
時一投瓊瑤三四酬可憐橫海鱗尺水難沉浮飄然拂  
袖去形影那容求早暮哦君詩書空復搔頭邇來三年  
餘擬君薦經由長篇忽見遺頓覺敲頰愀君馬何太駛  
追踪謫倦沫錦繡滿腸胃詞人孰能儔故將西子容來  
貽嫫姆羞行看復坐吟終日如鉤輅安得君書齊移來

近前取論文與談  
一擇老者憂春禽  
盡聒胎窓風夜  
颼颼懷君不成寐  
頻驚節物道君文  
已造妙君德當慎  
修謁帝明光宮  
隋珠那暗投

智鑑

梅溪即事

性癖偏宜雲水間  
牛龕栖隱便相安  
門深雪護千株老  
溪曲風迴六月寒  
白法且從身外得  
青燈還向靜中看  
幾回欲斲羅浮夢  
鳥語花香未肯殘

原妙字高峰

雲卷

或淡或濃拖雨去半舒半卷逆風來爲憐途路無栖泊  
却把柴扉永夜開

奉恕

夏雲

如峰如火復如綿飛過微陰落檻前大地生靈乾欲死  
不成霖雨漫遮天

妙普字性空

山居

心法雙忘猶得忘  
色塵不二尚餘塵  
百鳥不來春又過  
不知誰是住卷人

口吟

船子當年返故鄉  
沒踪跡處妙難量  
真風偏寄知音者  
鐵笛橫吹作散場

可觀字五翁

九日

心中一寸灰已冷  
頭上千巖雪未消  
老步只宜平地去  
豈知今日又登高

道舉

過鄭居士齋

竹裏蓬萊掩棘扉  
主人詩瘦帶寬圍  
種成苜蓿先生飯  
製就芙蓉隱者衣  
柳絮春江魚婢出  
荻花秋渚雁奴歸  
小溪短艇能容我  
先向溪隈築釣磯

淨端

寄懷泐潭山月禪師

聞道安禪處  
松蘿香隔溪  
清猿定中發  
幽鳥坐邊棲  
雲影朝暎別  
山峯遠近齊  
不知誰問法  
雲夜立江西

遊大慈山書畫上人壁

谷裏侵雲寺尋幽到深處  
春過寒花開人來啼鳥去  
豈期艸菴客日暮此相遇

酬公濟見寄之作

翛然林下隱吾道異夫君  
習忍如幽艸觀身類片雲  
人情無意染鶴唳有時聞  
謝客詩懷寄憐君此興勤

林外

酒樓

藥爐丹竈舊生涯  
白雲深處是吾家  
江城戀酒不歸去

老却碧桃無限花

志銓

梵天寺

落日寒蟬鳴獨歸林下寺  
柴扉夜不掩片月隨行履  
惟聞犬吠聲又入青蘿去

宇昭

寄題武當郡守吏隱亭

郡亭傳吏隱閒自使君心  
卷幕知來客懸燈見宿禽  
茶煙逢石澗棋響入花深  
會逐南帆便乘杖寄此吟

善珍

春寒

松間燈夕過，顧影在天涯。  
雪暝迷歸鶴，春寒誤早花。  
艱難知世味，貧病厭年華。  
故國風塵外，無人可問家。

德祥

風雨

風雨開門三十日，年光虛度一分春。  
淒涼舊國鶯花夢，白髮江南有幾人。

宋僧詩選補卷下

元錢塘陳世隆彙高編

永頤字山老

秋日汎西湖

水涼宜照影與客上湖船  
白浪翻紅揖青山映碧蓮  
鳥飛荷葉下人散柳條邊  
煙蓋歸來晚燈前鶴未眠

山村日暮

犢背斜陽暖茅茨石樹穿  
行人識岡路饑鵲噪沙田  
遠浦生微月荒皋起暝烟  
羣鳥飛散盡寒水漾漁船

金鷲晚眺

天低野曠樹濛濛  
盡入金鷲望眼中  
青嶂月生雙雁去  
碧溪雲繞亂帆通  
平鷲落照沈烟墅  
結陣寒烏保暝叢  
歲月飛騰吾懶矣  
昏鐘迢遞起秋宮

次韵答周伯弼信後見寄

清茶相對飲山危  
憶在西峰寺裏時  
今日雲深無好伴  
澗松獨看挂猿枝

遊何山登道場

中流望極山頭寺  
溪午聞鐘泊柳津  
春艸細霑微雨潤

老松高與碧虛隣  
鶴歸烟麓書堂廢  
虎去寒巖蘚石皴  
無奈薄遊歸路晚  
水邊風旆濕征塵

秋日與知言學士

水落小山浮山人  
上下游月崖烟挂  
晚風浦石蘭秋食  
芰漁溪宿烹葵野  
館留肩吾相對坐  
清話不知休

杉下聾僧

殿陰古杉高百尺  
蒼弁虬髯森澱漆  
林深化蝶粉光冷  
威鳳飄飄感仙實  
旁有聾僧喚不聞  
嘒嘒枯吟如有失  
或時兀坐何堆石  
或時手把古書帙  
帙中明星不復記

案上吟篇已忘律居山六月不知暑地涼艷草生幽茁  
茶竈泥崩古蘇粘石盆仰地蓮花出山童盡睡靠其旁  
袴如盤絡不掩却僧令老矣無別懷時夢響潯清汨汨  
終當卜室居其偏坐看蜿蜒舞清溢

贈術者王髯

王君僧服而胡鬚贈我手寫千隸書秦漢古法淪俗筆  
鍾王秘刻藏綺疏君游市俗誰問此我好竒古貧無餘  
閒來古寺看畫壁醉去野店烹寒魚擊竹有時談九命  
無錢踏雪走千墟問君歲晚君何如家有老婢歸田廬

寄行宮監門王以通

中興天子議攻車  
歎息諸公屈壯圖  
行殿不開塵璜合  
至今風雨暗金鋪

王鈞簾外前朝柳  
聞鴨闌邊小艷葩  
莫道君王不曾問  
好收銀鑰護宮花

秋蟬

日落秋蟬噪柳津  
爲傷風露咽聲頻  
送晴送雨江亭外  
偏感舟行晚泊人

茶壚

鍊泥合瓦木無功  
火暖常留宿炭紅  
有客遠從雲外至  
小瓶添水作松風

送通上人歸仙潭寺

寺憶清溪繞舟移  
曲岸分塔昏飛雨  
怪殿黑隱雷文錫  
挂秋房冷香浮夕  
帳薰蘇庭閑望廈  
碧鶴下晴雲

送別

送別春湖動客心  
荇花無浪颭寒金  
晴山望極連江郡  
沙鳥風檣度遠林

宿永安潭上

子規啼在亂山中，廢寺春深暮閣重。  
門外永安潭上水，朝昏惟送一樓鐘。

春暮懷伯弼

質管深谷近青霄，春盡思君夢自勞。  
歌鳥不來香室掩，綵花空結紫藤高。  
龍池瓦礫連芳草，曉柝烟雲擁墨袍。  
山近響潭多勝好，論詩無處覓劉曹。

龍岫南窓書懷

茅堂猶未卜幽興，日遲回滯雨聽昏。  
笛和燈看落梅春，風三月近客鬢二毛。  
催憶得初來日，山寒暝葉堆。

過青芝村觀晚梅

梅花樹下春風靜  
苔荒薺老園春井  
山翁汲泉來煎茶  
觸殘花下玲瓏影

松陵答友人

鬱蘿天上挹星躔  
拾羽編衣汎碧蓮  
長笛亂吹明月夜  
秋風濯足太湖邊

春至

松鳴山欲浮  
昨夜春風過曉戶  
啟晴光早鶯啼一箇朝  
吟還自酬暮吟還自酢  
年光整整來小房人亦樂

寄鳳山滿上人

空生久不來端居常掩室緬懷舊林社衆壑翳清密古  
鳳闕靈音野竹無花實動植皆營營忘言消永日

春日汎舟

楚外苔磯好孤舟未可拋碧溪沿谷口時柳護塘坳波  
靜魚吹沫林深鳥隱巢輕雲障暖日閑思渺春郊

送天竺僧還鄉

月冷雲深天上寺桂花十樹繞樓臺歸時若對閒人說  
英道身從月裏來